

দ্বীনীয়াত মুয়াল্লিমা কলেজের শংসাপত্র প্রদান অনুষ্ঠানে ল' বোর্ডের সম্পাদক

আপনজন ডেস্ক: হাওড়ার দ্বীনীয়াত মুয়াল্লিমা কলেজ ১৫ আগস্ট এক অভিনব কর্মসূচির আয়োজন করল নিজস্ব ক্যাম্পাসে। ছাত্রীদের দ্বারা পরিচালিত ইসলামিক শিক্ষায় কীভাবে মেয়েরা মুয়াল্লিমা হচ্ছেন, অন্য দিকে আধুনিক শিক্ষার জীবনমুখী শাখায় তাদের শিক্ষা লাভের সুযোগ সুন্দর উপস্থাপনার মধ্য দিয়ে তুলে ধরা হয় এদিন। এদিন দ্বীনীয়াত মুয়াল্লিমা কলেজের ছাত্রদের বার্ষিক শংসা প্রদান অনুষ্ঠানে হাজির ছিলেন আন্তর্জাতিক খ্যাতি সম্পন্ন আলোমে দ্বীন, তথা অল ইন্ডিয়া মুসলিম পার্সোনাল ল-বোর্ডের জেনারেল সেক্রেটারি হযরত মাওলানা খালিদ সাইফুল্লাহ রহমানী ২০২২ সালের পাস আউট ছাত্রীদের হাতে সার্টিফিকেট তুলে দেন এবং ডিএমএস নতুন বিল্ডিং এর প্রথম ও দ্বিতীয় তলের ভিত্তি ফলক স্থাপন করলেন। আগ্রুত কণ্ঠে তিনি বলেন, আমি এই কলেজে উপস্থিত না হলে বাংলার সফর আমার সম্পূর্ণ হত না। ছাত্রীদের নানান রকমের প্রেজেন্টেশন দেখে তিনি বলেন, মাস্ট্রাস ও কলেজ শিক্ষার মেলবন্ধনে যে কার্য প্রক্রিয়ায় অগ্রণী ভূমিকা গ্রহণ করেছে তা সত্যিই খুব প্রশংসনীয়। বিগত কয়েক শতাব্দী পূর্বে, একই ছাতার তলায়



আধুনিক শিক্ষার সাথে সাথে ইসলামিক শিক্ষাও প্রদান করা হতো। দ্বীনীয়াত মুয়াল্লিমা কলেজে উপস্থিত হয়ে সেই অনুভূতি যেন আমার হৃদয়কে আরও একবার স্পর্শ করল। তিনি আরো বলেন, কলেজের জেনারেল সেক্রেটারি জনাব সেখ হায়দার এবং তার পুরো টিম, মুসলমানদের সেই হারিয়ে যাওয়া সম্পদকে পুনঃসংস্করণের কাজ করছে। একদিকে যেমন কম্পিউটার, নিউট্রেশন, হেলথ, হোম ম্যানেজমেন্ট, চাইল্ড সাইকোলজি এবং টিচিং মেথডলজি ঠিক তেমনি অপরদিকে কোরআন, হাদিস আকাইদ ও মাসায়েল, ইসলামী তারবিয়াত এবং আরবি, উর্দু ভাষা শিক্ষা গ্রহণের প্রক্রিয়া চলছে। আর এটাই যুগের দাবি।

এদিনের অনুষ্ঠানে অন্যান্যদের মধ্যে উপস্থিত ছিলেন কলকাতার রেড রোডের ইমাম-এ-ইদায়েন কারী ফজলুর রহমান, প্রাক্তন সাংসদ আহমদ হাসান ইমরান, হাওড়া জেলা সংখ্যালঘু উন্নয়ন অফিসার মুদাসসার, হাওড়া জেলা পরিষদের কর্মাধ্যক্ষ আশ্বিয়া খাতুন, প্রতীচী ট্রাস্টের সাবির আহমেদ, আল আমীন মিশনের সভাপতি মোহাম্মদ আলী, আইনজীবী শাহাবুদ্দিন, কলেজের চেয়ারম্যান শেখ মাসাউদ রহমান, ট্রাস্টি বোর্ডের মেম্বর হাজী মহসিন, রশিদুল হক মোল্লা, হাম্মান মল্লিক, আসফার রহমান, বিশিষ্ট সমাজসেবী মেহবুব রহমান, তাজউদ্দিন মোল্লা, শেখ মাহমুদুল, জহির আহমদ লস্কর প্রমুখ।